

Script of Evening Gojri News Bulletin

27 April 2025 at 1700 Hrs

ایویننگ گو جری نیوز بلیٹن مورخہ 27 اپریل 2025

یوہ آکا شوانی جموں ہے عبدالمجید تے محمد اکرم تیں خبر سُنو۔ پہلاں خاص خاص خبر۔

*1۔ وزیر اعظم نریندر مو دی نے کہیو ہے جے پہلگام مانہ دہشت گردانہ حملو دہشت گرداں گا سرپرستان غی مایوسی تے بُزدلی نانہ ظاہر کرے۔

*2۔ وزیر اعظم غو کہنو ہے جے بھارت اک عالمی خلائی طاقت بن گیو ہے تے اس گل ور فخر ہے جے بھارت نے بیک وقت 104 سیارچہ چھوڑے ریکارڈ بنایو ہے۔

*3۔ جموں سرینگر قومی شاہراہ ہنگامی طور ور مرمت غاکم غے پیش نظر اج گڈیاں غی آؤ جائی معطل رہی۔ شاہراہ پلک سویرے 8 بجاتوڑی بند رہ گی۔

*4۔ پہلگام مانہ دہشت گردانہ حملہ تیں بعد کشیدگی غے پیش نظر قبضہ لکیر غے نال لگتا گرائیاں مانہ لوکاں نے بنکراں غی صفائی شروع کر دی ہے۔ تے ریا سی مانہ سابق فوجیاں نے فوج غی حمایت غو اظہار کیو ہے۔

*5۔ تے محکمہ موسمیات نے جموں کشمیر مانہ موسم گرم رہن غی پیشنگوئی کی ہے۔

خبراں غی تفصیل نال پہلاں عبدالمجید۔

PM Pahalgam

وزیر اعظم نریندر مو دی نے کہیو ہے جے پہلگام دہشت گردانہ حملہ غا قصورواراں تے سازش کاراں نانہ مناسب جواب دتو جائے گو۔ آکاشوانی ور اپنا من کی بات پروگرام مانہ خطاب کرتاں واں وزیر اعظم نے پہلگام مانہ اس مہینہ غی 22 تاریخ نانہ پیش آیا دہشت گردی غا واقعہ ور غم غو اظہار کیو ہے۔ انہاں نے کہیو ہے جے یوہ حملو دہشت گرداں غا سرپرستان غی مایوسی تے بُزدلی ظاہر کرے۔۔۔ انہاں نے کہیو۔ بانٹ۔ وزیر اعظم نے زور دے غے کہیو ہے دہشت گردی غے خلاف اس جنگ مانہ سب تیں بڑی طاقت مُلک غو اتحاد تے 140 کروڑ بھارتیاں غی یکجہتی ہے تے پہلگام دہشت گردانہ حملہ غے بعد پوری دُنیا تیں تعزیت غو سلسلو جاری ہے۔ اس بارے انہاں نے کہیو۔ بانٹ۔ وزیر اعظم

نریندر مو دی نے کہیو ہے جے سائنسداناں غی مُلک واسطے لگن، جذبو تے خدمت غی وجہ نال بھارت اک عالمی خلائی طاقت بن گیو ہے۔ تے یوہ جان غے خوشی ہوئی جے اپریل مانہہ آریا مصنو عی سیا رچہ چھوڑیا جان نانہہ 50 بہرا مکمل ہو گیا ایں۔ اُنہاں نے یوہ دیکھیو جے 50 بہراں غو یوہ سفر محض یقین نال شروع ہوؤ۔ جناب مو دی نے سامعین نانہہ کہیو جے اُس وقت غا نوجوان سائنسداناں کول نہ ہی جدید وسائل تھا تینہ ہی اُن غی عالمی ٹیکنالوجی تک رسائی تھی۔ اُنہاں نے کہیو۔۔ بائٹ۔ وزیر اعظم نے بھارتی خلائی تحقیق با رے تنظیم اِسرو غا سابق چئیرمین ڈاکٹر کے کستوری رنگن نانہہ یوہ کہتاں خراج عقیدت پیش کیو جے مُلک اک عظیم سائنسدان تیں محروم ہو گیو ہے۔ یا د رہ جے ڈاکٹر کے کستوری رنگن غی 2 دِن پہلاں موت ہو گئی تھی۔ وزیر اعظم نے کہیو جے سائنس، تعلیم تے بھارت غا خلائی پروگرام نانہہ نوی بلندیاں ور پجان مانہہ ڈاکٹر کستوری رنگن غا تعاون نانہہ ہمیشہ یا د رکھیو جائے گو۔ وزیر اعظم نے کہیو۔۔ بائٹ۔ من کی بات پروگرام غی اس نشست مانہہ وزیر اعظم نے ”ایک پیڑ ماں کے نام“ مہم غو وی ذکر کیو۔ اس مہم غو 5 جون نانہہ ماحولیات غا عالمی تہاڑا غا موقع ور اک سال مکمل ہو جائے گو۔

NIA Pahalgam

وزارتِ داخلہ غا حُکم تیں بعد قومی تحقیقاتی ایجنسی این آئی اے نے پہلگام دہشت گردانہ حملہ غو معاملو تحقیقات واسطے لے لیو ہے۔ یا د رہ جے 22 اپریل نانہہ مذکورہ حملہ مانہہ 26 سیلانی ہلاک ہو گیا تھا۔ اعلیٰ افسران غی قیادت مانہہ ٹیم واقع غی جگہ ور پُج غے شواہد اکھٹا کر رہی ہے۔ تے عینی شاہدین تیں پُچھ گچھ کر رہی ہے۔ دہشت گرداں غا طریقہ کار غو پتو لان واسطے داخلی تے باہر جان غا رستاں غو وی با ریک بینی نال جائزو لیو جا رہیو ہے۔ متعلقہ ماہرین حملہ غے پچھے سازش غو پتو لان واسطے تحقیقات مانہہ مدد کر رہیا ایں۔

مزید خبراں نال اکرم چودھری۔ ور اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن ائیر ڈاٹ گوو ڈاٹ ان ور وی (دستیاب ہیں، اس تیں یہ خبر مہاری موبائل ایپ تے ڈی ٹی ایچ ور وی دستیاب ہیں)

NHW

جموں سرینگر قومی شاہراہ اج سڑک نانہہ کشادہ کرن تے ضروری مرمت غی خاطر آمدو رفت واسطے بند ہے۔ آکاشوانی جموں غا نامہ نگار نے رپورٹ دتی ہے جے

وادی کشمیر نانہہ مُلک غا دوجا حصال نال جوڑن آلی تمام موسمی سڑک رابطہ ور رام بن غے نیڑے حالیہ پسی پین نال قومی شاہراہ کا فی متاثر ہوئی تھی۔ تے اس سلسلہ مانہہ ڈپٹی کمشنر غا حُکم ور اج سویر 8 بجے توں پلک سویر 8 بجے توڑی بنا خلل سڑک غی مرمت غو کم چل رہیو ہے۔ انتظامیہ نے گڈی چالکاں نانہہ اس غے مطابق ہی سفر کرن غو مشورو دتو ہے۔

Tension LoC

حال ہی مانہہ پہلگام مانہہ ہوا دہشت گردانہ حملہ تیں بعد قبضہ لکیر ور کشیدگی بدھ گئی ہے۔ پونچھ مانہہ حد متا رکہ نال رہن آلا لوکاں نے اپنی حفاظت نانہہ یقینی بنان واسطے اقدام چانا شروع کر دتا ایں۔ تے اس کشیدگی نال ات غا لوکاں مانہہ بڑا پیمانہ ور خوف ہے۔ شہریاں غا دفاع غا اقدام غا حصہ غا طور ور ات بنایا گیا بنکر کئی بہراں تیں بڑا پیمانہ ور غیر استعمال شدہ ہیں۔ بدھتی تشویش غے پیش نظر پونچھ غی دیگوار پنچایت غا سرینچ پر ویندر سنگھ نے مقامی لوکاں ور بنکراں غی صفائی شروع کرن تے تیار کرن ور زور پایو ہے سرینچ پر ویندر سنگھ غو کہنو تھو۔ بانٹ۔

Patriotic Sentiments

پہلگام مانہہ حالیہ دہشت گردانہ حملہ غے بعد بھارت اور پاکستان غا تعلقات کشیدہ ہو رہیا ایں۔ تے مُلک غا سابق فوجیاں مانہہ حب الوطنی غو جذبہ بدھ رہیو ہے۔ جموں کشمیر تیں آئی ٹی بی پی غا سابق جوان بھارت سرکار تے بھارتی فوج واسطے اپنی حمایت غو اظہار کرن واسطے آگے آیا ایں۔ ان غا بیانات فرض شناسی تے حُب الوطنی غا دنگا احساس غی نشاندہی کریں۔ جموں کشمیر تیں سابق آئی ٹی بی پی جوان راجکمار نے کہیو۔ بانٹ۔ اسے طرح غا جذبات غو اظہار کرتاں واں اک ہور سابق فوجی راجندر کمار نے اس طرح کہیو۔ بانٹ۔

MLA Ramban

ممبر قانون ساز اسمبلی رام بن ارجن سنگھ راجو نے نے اپنا اسمبلی ترقیات فنڈ وچوں 20 اپریل نانہہ طوفانی بارش نال سیلاب تے پسی پین سنگ تباہ ہوئی جائداداں غی از سر نو تعمیر واسطے اک کروڑ روپیہ دین غو اعلان کیو ہے۔ میڈیا نال خطاب مانہہ اُنہاں نے کہیو کہ رابطہ سڑک پکڈنڈی، گلی نالی، تحفظاتی دیواراں غی تعمیر، سرکار غی طرفوں ایس ڈی آر ایف تے دوجا فنڈز غے تحت مالی امداد سی ڈی ایف توں اضافی اک

کروڑ روپياں غى مالى امداد نال تعمير کيا جا ئيں گا. ارجن سنگھ راجو نے وزير اعلى عمر عبدالله غورام بن غا متاثر علاقه مانہ 3 بار دورہ واسطے شکريو ادا کيو۔ اس بارے گل کرتاں واں ارجن سنگھ راجو نے اس طرح کہيو۔ بائٹ۔

Weather

محکمہ موسميات نے آج توں آئندہ چند تہاڑاں توڑى پورا جموں کشمير مانہ موسم خشک رہن تے تتى لوچلن غى پيشنگوئى کى ہے۔ آکاشوانى جموں غا نامہ نگار نے رپورٹ دتى ہے جے محکمہ موسميات نے کہيو ہے جے آج توں 1 مئى توڑى موسم عام طور ور خشک رہ گو۔ اور 2 تے 3 مئى نانہ الگ تہلگ جگہاں ور گرج چمک نال ہلکى بارش غا امکان غى پيشنگوئى کى ہے۔

اس غے نال ہى خبراں غو يوه بليٹن ختم ہوؤ۔